



孔叢子卷三

巡狩第八

莊伯之論不及他義

子思遊齊陳莊伯齊大與登泰山而

觀見古天子巡狩之銘焉王者受命

山故增封泰山之高以報天壇禘梁

甫之厚以兼地皆刻石紀焉善已之

為禮曰卑以其祭神故從示陳子曰

我生獨不及帝王封禪之世子思曰

子不欲爾今周室卑微諸侯無霸假

齊古

以齊之衆義鄰國以輔文武子孫之
有德者言以義鄰國則齊桓晉文之事不
足言也陳子曰非不悅斯道力不堪
也子聖人之後吾願有聞焉敢問昔
聖帝明王巡狩之禮可得聞乎子思
曰凡求聞者為求行之也今子自計
必不能行欲聞何為陳子曰吾雖不
敏亦樂先王之道於子何病而不吾

告也子思乃告之曰古者天子將巡
守必先告於祖祢命史告群廟及社
稷圻內名山大川告者七日而徧親
告用牲史告用幣申命冢宰而後道
而出或以遷廟之主行載于齊車每
舍奠焉音及所經五嶽四瀆皆有
牲幣歲二月東巡守至于岱宗柴于
上帝音望秩于山川音

川皆如秩之所過諸侯各待于境其所過
序望祭之天子先問百年者所在而其君
境上迎階天子先問百年者所在而
親問之然後勤方岳之諸侯有功德
者則發爵賜服以順陽義無功者則
削黜貶退以順陰義命史采民詩謠
以觀其風命市納賈察民之所好惡
以知其志賈讀價言以物貴賤之直
察其民好惡知其儉奢之
也命典禮正制度均量衡考衣服之

寺協時月日辰四時之節氣月之次
序度之長短量之日之甲乙辰之次
服之奇袤皆命典禮以均正協同之
入其疆遺老失賢培克在位則君免
山川社稷有不親舉土荒民遊為無
教無教者則君退民淫僭上為無法
無法者則君罪入其疆土地艱闕養
老尊賢俊傑在位則君有慶遂南巡
五月至于南嶽又西巡八月至于西

嶽又北巡十有一月至于北岳其禮
皆如岱宗歸反舍于外次舍于外次
三日齊親告于祖祢用特命有司告
群廟社稷及圻內名山大川而後入
聽朝此古者明王巡守之禮也陳子
曰諸侯朝于天子盟會霸王則亦告
宗廟山川乎子思曰告哉陳子曰王
者巡守不及四岳諸侯盟會不越鄰

國則其禮同乎異乎子思曰天子封
圻千里公侯百里伯七十里子男五
十里虞夏殷周之常制也其或出此
封者則其禮與巡守朝會無變此言出
封則與巡守禮同曰無變其不越封
境雖行如國如不越封則陳子曰古之
義也吾今而後知不學者淺之為人
也

公儀第九

魯人有公儀僭者

數本皆作潛詳其

之兄

砥節礪行樂道好古恬於榮利

不事諸侯子思與之友穆公曰子思

欲以為相謂子思曰公儀子必輔寡

人參分魯國而與之一子其言之子

思對曰如君之言則公儀子愈所以

不至也君若飢渴待賢納用其謀雖

既食水飲飯亦願在下風今徒以高

官厚祿釣餌君子無信用之意公儀

子之智若魚鳥可也不然則彼將終

身不躡乎君之庭矣且臣不佞又不

任為君操竿下釣以蕩守節之士也

○問丘温見田氏將必危齊欲以其

邑叛而適魯

温齊大夫也晏孺子元

高昭子

而殺孺子穆公聞之謂子思曰子

能懷之則寡人割邑如其邑以償子
子思曰彼雖能之義所不為也公曰
何子思對曰彼為人臣君將顛弗能
扶而叛之逆臣制國弗能以其衆死
而逃之此罪誅之人也彼縱不能討
而又要利以召姦非忍行也○穆公
問子思曰吾聞龐攔氏子不孝其行
何如對曰臣聞明君之為政尊賢以

崇德舉善以勸民則四方之內孰敢
不化若夫過行過遺是細人所識不
治其本而問其過臣不知所以也公
曰善○穆公謂子思曰子之書所記
夫子之言或者以謂子之辭子思曰
臣所記臣祖之言或親聞之者有聞
之於人者雖非正其辭然猶不失其
意焉且君之所疑者何公曰於事無

非子思曰無非所以得臣祖之意也
就如君言以為臣之辭臣之辭無非
則亦所宜貴矣事既不然又何疑焉
○穆公謂子思曰縣子言子之為善
不欲人譽已信乎子思對曰非臣之
情也臣之修善欲人知之知之而譽
臣是臣之為善有勸也此所願而不
可得者也若臣之修善而人莫知莫

知則必毀臣是臣之為善而受毀也
此臣所不願而不可避者也若夫雞
鳴為善滋滋以至夜半而曰不欲人
之知恐人之譽已臣以謂斯人也者
非虛則愚也此稱君子疾後世而名不
後世詢則愚故○胡毋豹魯謂子思曰
子好大世莫能容子也盍亦隨時乎
子思曰大非所病所病不大也凡所

以求容於世為行道也毀道以求容
容何行焉大不見容命也毀大而求
容罪也吾弗改矣○子思居貧其友
有饋之粟者受二車焉或獻樽酒束
脩子思弗為當也或曰子取人粟而
辭吾酒脯是辭少而取多也於義則
無名於分則不全而子行之何也子
思曰然彼不幸而貧於財至乃困乏

將恐絕先人之祀夫以受粟為周乏
也酒脯則所以飲宴也方乏於食而
乃飲宴非義也吾豈以為分哉度義
而行也或者擔其酒脯以歸○穆公
問子思曰吾國可興乎子思曰可公
曰為之柰何對曰苟君與大夫慕周
公伯禽之治行其政化開公家之惠
杜私門之利結息百姓修禮鄰國其

興也勃矣子思曰吾之富貴甚易而
由弗能夫不取於人謂之富不辱於
人謂之貴不取不辱其於富貴庶矣
哉能知足則不取何富如之
率道則无辱何貴如之

抗志第十侯是篇皆子思抗志

之言君
子宜法

曾申

參之

謂子思曰屈己以伸道乎

抗志以貧賤乎子思曰道伸吾所願

也今天下王侯其孰能執與屈己以
富貴不若抗志以貧賤屈己則制於
人抗志則不愧於道○子思居衛衛
人釣於河得鰈魚焉其大盈車子思
問之曰鰈魚魚之難得者也子果何
得之對曰吾始下釣垂一魴之餌鰈
過而弗視也更以豚之半軀則吞之
矣子思喟然曰鰈雖難得貪以死餌

士雖懷道貪以死祿矣○子思居衛魯穆公卒縣子使乎衛聞喪而服謂子思曰子雖未臣魯父母之國也先君宗廟在焉柰何弗服子思曰吾豈愛乎禮不得也縣子曰請問之荅曰臣而去國君不掃其宗廟則為之服寄公寓乎是國而為國服吾既無列於魯謂无位也而祭在衛吾何服哉是寄

臣而服所寄之君則舊君無服明不

二君之義也言寄臣於衛而為魯縣君服是有二君矣

子曰善哉我未之思也○衛君言計

是非而群臣和者如出一口子思曰

以吾觀所為君不君臣不臣者也公

丘懿子曰衛大夫何乃若是子思曰人

主自臧善也則眾謀不進事是而臧之

猶却眾謀况和非以長乎夫不察事

之是非而悅人之讚已闇莫甚焉不
度理之所在而阿諛求容諂莫甚焉
君闇臣諂以居百姓之上民弗與也
若此不已國無類矣類也○子思謂
衛君曰君之國事將日非矣君曰何
故對曰有由然焉君出言皆自以為
是而卿大夫莫敢矯其非卿大夫出
言亦皆自以為是而士庶莫敢矯其

非君臣既自賢矣而群下同聲賢之
賢之則順而有福矯之則逆而有禍
故使如此如此則善安從生詩曰具
曰予聖誰知烏之雌雄抑亦似衛之
君臣乎○衛君問子思曰寡人之政
何如荅曰無非言臣下无敢君曰寡
人不知其不肖亦望其如此也子思
曰希旨容媚則君親之中正彌非則

君疏之夫能使人富貴貧賤者君也
在朝之士孰肯舍所以見親而取其
所以見疏者乎是故競求射君之心
射度而莫敢有非君之非者此臣所
謂無非也公曰然乎寡人之過也今
知改矣荅曰君弗能焉口順而心不
懌者臨其事必疝也病君雖有命臣未
敢受也○司徒文子衛司改葬其叔

父問服於子思子思曰禮父母改葬
總既葬而除不忍無服送至親也非
父母無服無服則弔而加麻文子曰
喪服既除然後乃葬則其服何服躅
三年則荅曰三年之喪未葬服不變
除何有焉期大功之喪服其所除之
服以葬既葬而除之其虞也吉服以
行事也言大功未葬則以所除之服
葬葬訖而除其虞祭則以吉

服行 ○公叔木謂申祥曰衛公叔文
公十四年奔魯木或作朱春秋作戌吾於子思親而敬
之子思未吾察也申祥以告曰人求
親敬於子子何辱焉子思荅曰義也
申祥曰請聞之荅曰公叔氏之子愛
人之同已慢而不知賢人同已則愛
敬夫其親敬非心見吾所可親敬也
以人口而親敬吾則亦以人口而疏

慢吾矣申祥曰其不知賢柰何荅曰
有龍穆者孟子稱龍子道歧謂古之
不為費之言止一辯士而已所謂好飾美辭說觀於坐席相人眉
睫以為之意天下之淺人也而公叔
子交之僑子良備矣修實而不修名
為善不為人之知已不撞不發如大
鍾然天下之深人也而公叔子與之

同邑而弗能知此其所以為愛同己
而不知賢也○子思自齊反衛衛君
館而問曰衛敬公先生魯國之士然不
以衛之褊小猶步玉趾而慰存之願
有賜於寡人也子思曰臣羈旅於此
而辱君之威尊亟臨華門其榮多矣
欲報君以財幣則君之府藏已盈而
及又貧欲報君以善言恐未合君志

而徒言不聽也願未有可以報君者
唯進賢爾衛君曰賢固寡人之所願
也子思曰未審君之願將何以為君
曰必用以治政子思曰君弗能也君
曰何故荅曰衛國非無賢才之士而
君未有善政是賢才不見用故也君
曰雖然願聞先生所以為賢者荅曰
君將以名取士耶以實取士耶君曰

必以實子思曰衛之東境有李音者
賢而有實者也君曰其父祖何也荅
曰世農夫也衛君乃胡盧大笑曰寡
人不好農農夫之子無所用之且世
臣之子未悉官之子思曰臣稱李音稱
其賢才也周公大聖康叔大賢今魯
衛之君未必皆同其祖考李音父祖
雖善農則音亦未必與之同也君言

世臣之子未悉官之則臣所謂有賢
才而不見用果信矣臣之問君固疑
君之取士不以實也今君不問李音
之所以為賢才而聞其世農夫因笑
而不受則君取士果信名而不由實
者也衛君屈而無辭○衛君曰夫道
大而難明非吾所能也今欲學術何
如欲李權術子思曰君無然也体道者

逸而不窮任術者勞而無功古之篤道君子生不足以喜之利何足以動之死不足以禁之害何足以怨之或禁或恨怨故明於死生之分通於利害之變雖以天下易其脛毛無所槩於志矣是以與聖人居使窮士忘其貧賤使王公簡其富貴君無然也衛君曰善○齊王謂子思曰今天下擾擾

諸侯無伯吾國大人衆圖帝何如子思曰不可也君不能去君貪利之心王曰何害子思曰夫水之性清而土壤汨之人之性安而嗜欲亂之故能有天下者必無以天下為者也能有名譽者必無以名譽為者也達此則其利心外矣言先驕泰之心則○衛將軍文子之內子死文子名弥年復

者曰臯媚女復禮人死升屋而號告曰臯其復臯美稱也此媚女復也故子思聞之曰此女氏之字非夫氏之名也婦人於夫氏以姓氏稱禮也○費子陽魯大夫謂子思曰吾念宗周將滅泣涕不可禁也子思曰然此亦子之善意也夫能以智知可知而不能以智知未可知危之道也今以一人之身憂世之不治而

泣涕不禁是憂河水之濁而以泣清之也其為無益莫大焉故微子去殷紀季入齊良知時也唯能不憂世之乱而患身之不治者可與言道矣○齊王戮其臣不辜謂子思曰吾知其不辜而適觸吾忿故戮之以為不足傷義也子思曰文王葬枯骨而天下知仁商紂斬朝涉而天下稱暴夫義

者不必徧利天下也暴者不必盡虐
海內也以其所施而觀其意民乃去
就焉今君回心之忿遷戮不辜以為
無傷於義此非臣之所敢知也王曰
寡人實過乃今聞命請改之○衛公
子交見於子思曰先生聖人之後執
清高之操天下之君子莫不服先生
之大名也交雖不敏切慕下風願師

先生之行幸顧恤之子思曰公子不
宜也夫清高之節不以私自累不以
利煩意擇天下之至道行天下之正
路今公子紹康叔之緒處戰伐之世
當務收英雄保其疆土非所以明臧
否立規檢修匹夫之行之時也○衛
公子交饋馬四乘於子思曰交不敢
以此求先生之歡而辱先生之潔也

先生久降於鄙土蓋為賓主之餼焉
子思曰仍寄命以來度身以服衛之
衣量腹以食衛之粟矣又且朝夕受
酒脯及祭燔之賜衣食已優意氣已
定以無行志未敢當車馬之貺禮雖
有爵賜人不踰父兄今重違公子之
盛旨則有失禮之僭焉若何公子曰
交已言於君矣荅曰不可為人子者

三賜不及車馬公子曰我未之聞也
謹受教○穆公欲相子思子思不願
將去魯魯君曰天下之王亦猶寡人
也去將安之子思荅曰蓋聞君子猶
鳥也疑之則舉今君既疑矣又以已
限天下之君臣切為言之過也○齊
王謂子思曰先生名高於海內吐言
則天下之士莫不屬耳目今寡人欲

相梁起起也名少頌先談說之也子思曰天下之士所以屬耳目者欲假之言是非當也今君使假虛談於起則天下之士必改耳目矣耳目既改又無益於起是兩有喪也故不敢承命齊君曰起之不賢何也子思曰君豈未之知乎厚於財物必薄於德自然之道也今起以貪成富問於諸侯

而無救施之惠焉以好色聞于齊國而無男女之別焉有一於此猶受其咎而起二之能無累乎王曰寡人之言實過願先生赦焉○子思見老萊子老萊子楚人也耕于蒙山楚王聘之不起老萊子聞穆公持相子思老萊子曰若子事君將何以為乎子思曰順吾性情以道輔之無死亡焉老萊子曰不可順子之

性也子性剛而傲不肖又且無所死
亡非人臣也子思曰不肖故人之所
傲也夫事君道行言聽則何所死亡
道不行言不聽則亦不能事君所謂
無死亡也言世治主安則无所死亡
有老萊子曰子不見夫齒乎齒堅剛
卒盡相磨舌柔順終以不弊子思曰
吾不能為舌故不能事君

小爾雅第十一

經傳字義有所未暢釋而言之

於爾雅為小焉

廣詁一

淵懿邃蹟深也封巨莫恭艾祁大也

封巨莫府祁寒皆久頌賦鋪敷布也蓋

戴薰蒙冑覆也鐘崇府最積灌聚樸

叢也詩灌木穢閱搜履庀具也攻為

話相旬宰營匠治也話旬未詳蠲被

裡屑潔也結獨為儲被其不祥也勿蔑
微曼末沒無也隆巢岸峻高也巢居
逼尼附切局鄰傳戚近也未可戚我
邵媚旨伐美也賢衰繁優饒夥多也
幾蔡模臬法也蔡取著龜也爰換變貿
交更易也生造奏詣進也索寒探衰
鉤掠採略也開徹接通達也固歷弥
宿舊尚久也弥愈滋強益也赫敷爽

曉昕著讚曙明也皆附襲就回也封

眡際限疆略界也承第班列次也戶

俊格扈止也戶取其闔礙俊取幽曠

闇昧冥也最冗目質要也疆窮充竟

也而乃爾若汝也控穹挽引也承贊

涼助佐也尋由以用也要捷集載成

也肆赴捷疾也造之如適也撥督撫

拾也肆子燼餘也拓斥啓闢開也杜

實充物塞也實物滿也獎率勵勸也
勤勉事力也經屑省過也闕缺閒隙
也迭遞交更也潛刻沒滅也玄黔驪
黝黑也縞皓素白也彤犂緼朱也淫
溢沉滅沒也載功物事也

廣言二

晏明陽也吁晏晚也笑麗數也麗數
各有所容艾老也僉皆同也交校報

也犯而舒布展也揚翥舉也索略求
也奚害何也害里度居也周浹匝
也充該倫也列厥陳也鞞鞞興也廢
措置也駕乘凌也收戢斂也禁錄也
掌司主也偏贅屬也麗著思也載略
行也沓襲合也抵享當也庚徹道也
脩舒長也校戰交也諛復白也勅質
正也商蔑末也延衍散也末晏終也

什辨別也菲涼薄也復旋還也祖翼
送也走印我也姓命孛子姓命未謂
也諧籲和也悛寤覺也憾猜恨也艾
盡止也擱忽也左氏擱然奸犯也汨
猾亂也縮續抽也暨捷及也苞發本
也社燭肆臬極也睇題視也
犯肆突也束縻縛也肆從逐也放投
棄也莽蕪草也暴映晒也焮也晞熀

乾也迪跡蹈也衍演廣也衰從長也
荷揚檐也仍再也徇歸也工官也稽
考也顛殞也躋陞也戕殘也勦截也
辟除也恩惠也謫責也間非也死間
順退也抗禦也斬取也蚩戲也褊狹
也甚忌也趙釐甚沮疑也虧損也毀
壞也判散也殺斷也交俱也俘罰也
夷傷也枳害也締閉也靡細也辨使

也牧臨也嘗試也賴羸也若乃也嗟
發聲也奏為也振救也庸償也賈償
也贍足也曹偶也麗兩也驟數也逞
快也越遠也姑且也哿可也釋解也
庸善也荐重也登升也勳勉也赫顯
也躋是也不在也佞才也暨息也之民
暨話善也愿謹也丰豐也都盛也腆
厚也肆緩也競逐也紀基也基忌教

也整頤也勅強也薄道也燁炊也左氏
燁資取也管信也餽饋也憑依也
藉借也際接也閔限也廬寄也萃集
也遣倅也尤怪也管慚也索空也素
故也視此也惶往也矜惜也狃怏也
覬望也何任也御侍也殿慎也選擇
也宣示也

廣訓三

諸之乎也旃焉也惡乎於何也烏乎
吁嗟也吁嗟嗚呼也有所嘆美有所
傷痛隨事有義也無念念也無寧寧
也無顯顯也不承承也不肖不似也
繩之譽之也詰朝明旦也遐不黃耇
言壽考也公孫碩膚德音不瑕道成
王大美聲稱遠也鄂不韡韡言韡韡
也我從事獨賢勞事獨多也魴鱖甫

甫語其大也麀鹿麀麀語其衆也海
物維錯錯雜也雜毛曰羶雜彩曰繪
雜言曰唯莫江切

廣義四

凡無妻無夫通謂之寡寡夫曰鳧寡
婦曰嫠妾婦之賤者謂之屬婦屬遠
也遠婦之名言其微也非分而得謂
之幸詰貴以辭謂之讓男女不以禮

交謂之淫上淫曰烝下淫曰報勞淫
曰通不直失節謂之慙斬總也面慙
曰難心慙曰慙體慙曰後

廣名五

諱死謂之大行死而復生謂之大蘇
疾甚謂之沾猶危也請天子命曰未可
以戚先王戚也請諸侯命曰未可以
近先君請大夫命曰未可以從先子

空棺謂之櫬有屍謂之柩饋死者謂
之賜衣服謂之送埋柩謂之殮詳至
殮坎謂之池壙謂之窆下棺謂之窆
填窆謂之封宰冢也龍塋也無主之
鬼謂之殤

廣服六

治絲曰織織繒也麻紵葛曰布布通
名也纊綿也絮之細者曰纊繒之精

者曰縞縞之麕者曰素葛之精者曰
絺毳者曰綌在首謂之元服弁髦太
古布冠冠而敝之者也題由也題額也
也顛顏頰額也璽謂之印紱謂之綬
襜褕謂之童容亦云蔽膝布褐而紩之謂
之藍縷紩也晉人呼縷衣為縷方
言其謂凡人貧衣破醜敝
者謂之厲大帶大巾謂之冪莫秋覆
者謂之厲大帶大巾謂之冪莫秋覆

帳謂之幄幄幕也簀床第也大扇謂
之翬杖謂之梃史有鍵謂之籥也籥
其局謂之弈在足謂之履履尊者
曰達履謂之金舄而金紉也禮黑履
行黑紉如及衣鼻在履頭以為
廣器七

射有張布謂之侯天子熊侯諸侯鄉
者不采其地直於布上侯中者謂之
正面畫虎豹頭而已

鵠鵠中者謂之正正方二尺

畫采謂之正樓

皮謂之鵠方制獸皮也於侯中如鳥

方二尺次以白正中者謂之檠檠方

六寸棘戟也鉞鉞斧也干敵盾也戈

甸子戟也釁房越切刃之削謂之室

室謂之鞞鞞秘鞞之飾也鞞佩刀削

飾矢服謂之攷小船謂之艇艇之小

者曰解船頭謂之舳尾謂之艦楫謂

之橈車輅上者謂之輶輅謂之輶軫

謂之枕較謂之幹衡扼也扼上者謂

之鳥喙纍纒緇也緇索也大者謂之

索小者謂之繩出而戾之為絳膠而

紕之為地也墉墉謂之陴高平

謂之太原汪池也左傳尸諸水之北

謂之汭澤之廣謂之衍

廣物八

藁謂之稈稈謂之芻生曰穀謂之粒
菜謂之蔬禾穗謂之穎截穎謂之銍
拔心曰揠剛銖鎌拔根曰擢把謂之
秉秉四曰管管十曰稷秉握也管稷
棘實謂之棗桑之實謂之葢柞之實
謂之橡

廣鳥九

去陰就陽者謂之陽鳥鳩鴈是也純

黑而反哺者謂之鳥小而腹下白不
反哺者謂之鴉鳥白項而群飛者謂
之燕鳥白脰鳥也雅鳥鶯也鶯斯馳
鷓

廣獸十

豕彘也彘猪也其子曰豚豕之大者
謂之豨小者謂之豮豮以豕一豮
與此豮鳥之所乳謂之巢雞雉所乳
小不同

謂之窠鹿之所息謂之潜潜參也積柴水中而魚舍焉

度

跬一舉足也倍跬謂之步同馬法六跬乃其四尺謂之仞倍仞謂之尋尋舒兩肱也倍尋謂之常五尺謂之墨倍墨謂之丈倍丈謂之端倍端謂之兩倍兩謂之疋疋有謂之束五禮以

兩為束每束兩兩卷之二丈双合則疋凡十卷為五束以應天九地十

量

一手之盛謂之溢手滿也兩手謂之掬

也半升掬四謂之豆豆四謂之區區四

謂之釜舊制四升為豆四豆為區區

升也齊陳氏以五升為釜六斗四區五區為釜十釜為鍾與今同為釜

二有半謂之數斗也六數二有半謂

之缶也四斛正二謂之鍾也八斛鍾二謂
之秉秉十六斛

衡

二十四銖曰兩兩有半曰捷倍捷曰
舉倍舉曰鈔鈔謂之鍰三兩鍰
四兩謂之斤斤十謂之衡衡有半謂
之秤秤二謂之鈞秤十五斤鈞四謂
之石石四謂之鼓

孔叢子卷三

